

Nappaatit tunillaassortut akiorniarlugit iliuutsit pillugit Inatsisartut peqqussutaata allanngortinneqarnera pillugu Inatsisartut inatsisissaat (Inatsisartut peqqussutaata atorunnaarsinneqarnissaanut ullumik allannguut)

§ 1

Nappaatit tunillaassortut akiorniarlugit iliuutsit pillugit Inatsisartut peqqussutaata allanngortinneqarnera pillugu Inatsisartut inatsisaanni nr. 1, 1. april 2020-meersumi, (Tunillaassuinerup pinaveersaartinniarnanilut siaruarnaveersaartinniarnanilu aamma sullissiniarnermi pisariaqartitat il.il. qulakkeerniarneranni iliuuseqartoqarsinnaanermut annertusaaneq) makku allanngortinneqarput:

1. § 2, imm. 3 atorunnaarsinneqassaaq.

§ 2

Nappaatit tunillaassortut akiorniarlugit iliuutsit pillugit Inatsisartut peqqussutaanni nr. 20, 12. november 2001-meersumi, Nappaatit tunillaassortut akiorniarlugit iliuutsit pillugit Namminersorlutik Oqartussat nalunaarutaatigut nr. 16, 13. september 2006-meersukkut, Inatsisartut inatsisaatigut nr. 18, 27. november 2018-meersukkut aamma Namminersorlutik Oqartussat nalunaarutaatigut nr. 3, 2. marts 2020-meersukkut kiisalu Inatsisartut inatsisaatigut nr. 1-kkut 1. april 2020-meersukkut allanngortinneqartumi makku allanngortinneqarput:

1. § 31 kingorna una ikkunneqassaaq:

” § 32. Inatsisartut peqqussutaat 1. juuli 2022-mi atorunnaarsinneqassaaq.”

§ 3

Inatsisartut inatsisaat una ulloq 15. decembari 2021-mi atuutilissaaq.

Namminersorlutik Oqartussat, ulloq 1. december 2021

Múte Bourup Egede
Naalakkersuisut Siulittaasuat

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut